

مشرق افق

۱۳۲۶

در سعادته یکی پوسته خانه قارشوسنده
دائرة مخصوصه در

محل اداره:

مسلکمه موافق آثار جدید مع المنزیه قبول اولتور
درج ایدیلین آثار اعاده اولتور
انظار:

دین، فلسفه، ادبیات، حقوق و علوم دین باحث هفته لق رساله در

مؤسسلری: ابوالعلا زین العابدین - ح. اشرف ادیب

در سعادته نسخه سی ۵۰ پاره در

تاریخ تأسیسی:

سفارلی القایلی

قبریلده دن مقوا بورو ایله کوندریلیرسه سنوی
۲۰ غروش فضله آلنیر.

۱۱ نوز ۳۲۴

در سعادته	۶۰	۳۰
ولایانده	۹۰	۵۰
ممالک اجنبیه ده	۹۰	۵۰ غروشدر

در سعادته پوسته ایله کوندریلیرسه ولایات بدلی اخذ اولنور.

عدد: ۱۸

۳۲۶ ذی القعدة ۳۰ پنجشنبه ۱۱ کانون اول ۳۲۴

برنجی سنه

وخشونتله معامله ایتک ، بنی آدمک حقوقه تجاوزله ضرر لرینی اتزام ایتک توصیه سی اولیه جنی ذره قدر شبهه قبول ایدن موادین دکادر . ولایت غیر مشروعه علی الاطلاق مودت و محبت و حسن معاشرت کی یوازم معقوله انسانیتدن عبارت اوله ماز .

بلکه عصر سعادت پیامبریده منافق لک یابدینی کی اعدای مسلمینه میل و التحاقله اسرار مهمدی کندیلرینه اخبار و انلرک آرزو و آمانی منافع اسلامیه ترجیح و ایشاردن عبارتدرکه استعید بالله «لایخذ المؤمنون الکافرین اولیاء من دون المؤمنین ومن یفعل ذلک فلیس من الله فی شیء» نص جلیلندن بو حقیقت کال وضوحله اکلا شلمقده در .

معنای شریفی : « مؤمنلر دیندا شلرینی ترک و تجاوزله ارباب کفر و محدودی ولی اتخاذ ایتدسونلر . بونی یاپانلر ، منافع اسلامیهی اخلاصه ساعی اولانلره یاردم ایدنلر الله تعالی نلک دین حقندن حائز نصیب اوله مازلر . » مؤدای نظمک بوندن عبارت اولسنه روایت آنیه ده دلالت ایتدکده در : (نزات فی المناقین عبدالله بن ابی واصحابه کانوا یتولون الیهود و المشرکین ویأتونهم بالاخبار ویرجون ان یكون لهم الظفر علی رسول الله صلی الله علیه و سلم)

یعنی بو آیت جلیله منافقین زمره سی عبدالله بن ابی و قرناسی حقنده نازل اولمشدرکه مرقوملر طائفه یهود و مشرک لری تولی و اتزام ایله سرار احوال مسایینی اخبار ایدرلر ، محض تجسس مقصدیله آرا لرنده بولونورلر ، بو غرض فاسدایله کسوه اسلامیه بورونورلردی و اعدای دینک حضرت رسول اکرمه غلبه و مظفریتلرینی تأمینه چالشیلردی . ایشته مؤمنلر بومقوله احوال مفسد تکارانه دن نهی بیورلشدرلر .

آیت جلیله نلک سبب نزولی حقنده بر روایت ده اواردر . فقط بوکا کوره ده اساس معنی تغیر ایتمز .

« اهالی مدینه دن بر قاج کیسه لر یهودیلرک بعض ارباب فسادی ایله دوشوب قالمغه ، آنلر ایله صمیمیت پیدا ایتکه باشلامشدردی . رفاعة بن منذر و عبدالله بن جبیر کی اخوان دینلری طرفندن « بومقوله کسانله بودرجه مقارنت ایی برشی دکادر . بومفسدلر سزی دینکزدن چیقاریرلر . فتنه عظیمیه ایقاع ایدرلر » یولو ویریلن نصیحتک تأثیر ایتدیه سی اوزرینه آیت مذکوره بونلری ارشاد ایچون نازل اولمشدر » بوروایت ابن عباس رضی الله عنهما حضرتلرینه نسبت ایدلکده در . بو تفسیره کوره عقیده اسلامیه سی پرک و محکم اولمیان شبان اسلامک دین مبین علینده بولونانلر ایله مخالطه و مصاحبه لری جائز اولمادیغنه دلالت ایدر .

[بو افاد اتخدن مستثبان اولورکه قرآن کریمی صورت صحیحده تفسیر ایدیه یلک ایچون اسباب نزوله وقوف شرطدر .

« فصول التیسیر فی اصول التفسیر » نام اثر مرده توضیح ایدلدیکی اوزره بر سوریه ویا آیتک سبب نزولی اولان قصیده اطلاع حاصل اولدقده فوائد عریده استحصال اولدور . فقط آنلرک اک مهمی فهم معانی قرآندر . امام واحدی رحمه الله دیملردرکه سبب نزوله اطلاع

حاصل اولمادیجه قرآن کریمک تفسیری طوغری اوله ماز . چونکه بعضاً مدلول کلامک عموم و شمولی ، بعضاً ده بر قید و تعینک وجودی خلاف مقصودی موهم اوله بیلیرله . بومدعی تنویر ایچون اوراده امثله کثیره ایراد ایدلشدر . ایکی دانه سنی بوراده ذکر ایدیه لم : (۱) « فایما تولوا فثم وجه الله » نظم شریفک مدلول ظاهر یسنه نظر اولدقده [۱] مصلی حقنده استقبال قبله شرطی معتبر اولماق توهم ایدیله بیلیر . اما سبب نزوله اطلاع حاصل اولونجه آیت مذکوره نلک حکمی ادای صلاتدن صوکر اعدم اصابتی تبیین ایدن متحرینک یا خود دابه اوزرنده صلات ایله اشتغال ایدن مسافرک نمازی حقنده اولدینی معلوم اولور . جهت قبله متعین اولوب ده استقباله مانع شرعی بولمادیغنی تقدیرده « فول وجهک شطر المسجد الحرام » نص جلیله اتباع اولنق لازمدر . آیت سالفه نلک سبب نزولی حقنده بر قاج روایت واردر . امام ترمذینک عامر بن ربیع حضرتلرندن روایتیه کوره بر غزاده اصحاب کرامدن بعض ذوات اثنای لیلده ادای صلات صره سنده قبله یی تعیین باینده اختلاف ایتملر . بعدالتحری هر بری بر جانبیه طوغری نماز قیلهرق ایرتسی کون نقل ماجری ایله رسول اکرم افندمزدن استفادده بولنملر ده جواباً آیت جلیله شرف نزول ایتمش . دیگر بر روایتیه کوره ده دابه اوزرنده نماز قلنق مشروعتنی بیان مقامنده نازل اولمشدرکه بوکا دائر عبدالله بن عمر « رضی » حضرتلرندن مروی بر حدیث واردر . تحقیق مقام اثر مذکوره درج اولنمشدر .

مناظرلی اسماعیل صفی

نجائب قرآنیہ

سوره مائده : آیت - ۷

« .. ما یرید الله لیجمل علیکم من حرج ولکن یرید لیطهرکم ولیم نعمته علیکم لعلکم تشکرون » [حق جل و علا حضرتلری صدر آیتده بیان بیورلدینی وجه اوزره طهارت ایله امر ایتدکدن صکره بیوربورکه] الله [بونی] سزه کوچلک ویرمک ایچون مراد ایتمز ولکن سزی تطهیر و تنظیف وسزه اولان نعمتی [سزک ابدانکزی تطهیر ایدن شیلری تشریع ایتک صورتیه] اتمام ایچون مراد ایدر . [سز بورالینی تأمل و ملاحظه ایدوب ذات اجل اعلانک لطف و کرمنه] بلکه تشکر ایدر سزکز .

آیت کریمده واقع « یرید » نلک ایکی محله ده مفعولی مجذوفدر . لام حرفی ده تعلیل ایچوندر . « لعل » کلمه سندن مقصود اولان معنی « یا ایها الناس اعبدا ربکم » آیت کریمه سنک تفسیرنده بر تفصیل بیان ایدلش ایدی . طهارت : لغته مطلقاً نظافت معنا سنه در . شرعه ده : حدث و خبشیدن

[۱] آیت کریمه نلک وارد خاطر اوله حق معنای عملی : سز نه جانبیه تولیه وجه ایدر سه کز جناب الله امر ایتدیکی جهت اوراده متحققدر .

تم نذیب نفس، حسن تفکر و ارادہ بی، حسن معاشرتی، وظائف بشریہ منہی، حقوق و مصالح منہی، بروجہ صحت معاملات و معاوضاتی تعلیم ایلیکده اولدیغندن آندن بیوک نعمت، آندن بیوک خادم سعادت اولماز. الحمد لله علی نعمۃ الاسلام.

سورۃ مائدہ: آیت ۷۰

«یا ایہا الرسول بلغ ما أنزل الیک من ربک وان لم تفعل لما بلغت رسالتہ واللہ یعصمک من الناس ان اللہ لا یمشی القوم الکافرین»
ای رسول سکا زبگدن انزال اولنان شیلری تبلیغ ایت [ای رسالت ایلہ مشرفا ناسه تبلیغی مقصود اولمیان اسرار خفیہ دن ماعدا ذات رسالتا بک، مالک امورک سنی سکا لائق کاله ایصال ایدن پروردگارک طرفندن، نازل اولمش احکامی واکام متعلق موادی هرینه متدائر اولورسه اولسون هیچ بر فردی کوز تمیزک وسکا بر جور وادا کله جکندن قطعاً چکمیهرک جله سنی تبلیغ ایت. بنی محترم افندمنه عنوان رسالت ایلہ ندا ایدلمسی ذات نبوت پناهی تشریف و تحیل ایچون اولقله برابر امر اولنان تبلیغ و حی برینه کتورمک رسالتک ایجاب ایتدیکی احوال دن اولدیغنه اشارت ایچوندر. ابوالسعود]. اگر بویله یاغازسهک [تبلیغنه مأمور اولدیغنسک احکامی و احکامه متعلق موادی تمامیلہ تبلیغ ایتمزسهک] انک رسالتی تبلیغ ایتماش [مکلف بولندیغنسک رسالت دن هیچ بر شیشی ایفا ایلہ ماماش و تشرف ایلدیکنک عنوان رسالت دن کلیاً تجرد ایتماش] اولورسین. چونکه تبلیغ رسالت ایلہ مکلف اولانلر مرسل بیک کافه سنی تبلیغه مأموردر. شاید بر رسول مرسل بیک برجهتی تبلیغ ایتیه جک اولورسه مرسلک امرینه امتثال ایتماش اولدیغندن باقیسننک تبلیغی هیچ حکمنده قالدور. واصل برشی تبلیغ ایتماش دیمک اولور. الله سنی ناسدن وقایه ایدر. [جناب حق ذات رسالتا بکی مقتضای رسالتی ادایه مانع اوله جق احوال دن و حیاتکی، تعرض اعداء دن صیانت بیورر]. الله عظیم الشان کافرلر محقق فرصت ویرمز. سننک محو و هلاکنسه دائر انلرک آرزولرینه قطعاً مساعدہ ایتمز.

فی الواقع حبیب خدائک یوم [احد] ده وجه سعادت لری جرح ایدلمش و دندان شریف لری شکسته اولمش و ذات رسالتا بکده دهانجه جور و جفالت ایدلمش ایسدهده اشبو ضمان الہی وجه حیات سنیہ لری تعرض اعادیدن مصون قالمش و بحالات مکروهان دن هیچ بری تبلیغ رسالتہ مانع اولماشدر. حضرت انس رضی اللہ عنہدن مرویدرکه رسول اکرم افندمنی اعادینک شر و مکیدتدن محافظه ایچون کیچہ لری حارس لری بکلرلر ایدی. بو آیت کریمه نازل اولنجه رأس شریف لری سخیانندن معمول برقبه دن چیقاروب: ای نکہ بانلر! طاعیلک الله بنی ناسدن وقایه ضامن اولدی بیوردی. صلی الله علیه وسلم

تبلیغ اوامروناهی به مأمور اولان ورثه انبیاء بونظم جلیلی بو آیت فرقانیہ بی عمیق و مدید مطالعہ ایتلی ده اکاکوره تبلیغ احکام الہیہ شتابان اولملی درلر. بعض عوام ناس حریتہ بر معنای سقیم و بیورلر. حریت کویا نیک و بد هر نه خاطرہ کلورسه ایشله مک ایش کبی هر حد وادی تجاوز ایتک

نظافتدر. اصطلاح فقہادہ نافض طہارت اولان حالتہ فحشین ایلہ «حدث» و شرعاً مستقدر اولان شینہ خانک ضمیمه «خبث» اطلاق اولنور. بعض فضلاء دیدی که طہارت شرعده بر محک حقیقی ویا حکمی نجاستدن نظافتی در، ایستر او محک صلاتہ تعلقی اولسون: بدن و ثوب و مکان کبی، ایستر اولسون: اوانی و اطعمه کبی.

طہارت عماد الدین در. دینلشدیرکه عبدک ایلک اول حسابی ویرہ جکی شی طہارت و نظافت خصوصی در. خواجہ کائنات علیہ افضل الثنات افندمن «النظافۃ من الایمان» بیورمشدر. دقت ایت دین اسلامده طہارت و نظافته نه قدر اعتنا وار. مورد وحی الہی اولان حضرت پیغمبر طہارت و نظافتک ایمانندن اولدیغنی بیان بیوریور. بو بیان دن ده ایلری بیان اولماز. بونک ایچوندرکه پیشوایان زمره مجاہدین ققم ایلدکری کشورلری معبد، مکتب، مدرسلر انشاسیلہ احیا ایلدکری کبی در حال صولر اسالہ، شادروانلر، چشمه لری بنا ایتکله ده تزین ایتمشدر. طہارت و نظافت حقنہ دهانجه آیات و احادیث وارد اولمشدر. هله مسواک استعمالیلہ دیشلرک تمیز و تلیسنه دائر شرعده نه قدر ترغیبات و تأکیدات وارد. سرور انام علیہ الصلاۃ والسلام افندمن مسواک استعمالنه مواظبت ایدر ایدی و بیوردی که «لولا ان اشدق علی امتی لاصراتهم بالمسواک عند کل وضوء» امتی دوچار مشقت ایدرم خوفی اولمیه ایدی هر آبدست آلدجه مسواک قوالانلری آنلرہ امر ایدردم. دیگر بر حدیث شریفده «اوصانی جبریل بالمسواک حتی خشیت علی عموری» جبریل امین مسواک استعمالنی بکا اول قدر توصیه ایددی که حتی دیش اتلرمدن قورقدم. بو حدیث شریفده واقع «عمور» کله سی عمرک جی در. عمر: عینک قحقی و میمک سکونیلہ دیش اتنه دینور. دیش اتی اوچ نوعدر: بریسی دیشلرک منبتلرنده کوکلرنده اولور. بری دیشلرک اوستنده و آلتنده اولورکه اصل دیش اتی دینکری بودر. بری دیشلرک آرداقلرنده، صارقان اوزونجه اتجکزد. عمر بو اوچ نوعک اوچنہده اطلاق اولنور.

هفته ده بر کره عانی [ادب محلی] تراش ایتک و بدنی اغتسل ایلہ تنظیف ایتک مستحدر. اگر بر کیمسه هر هفته بونی یاغازسه اون بش کونده بر یاغلی در. قرق کوندن زیاده ترک ایدرسه آنک ایچون معذرت یوقدر.

شمائل نبویہ دائر آثارده مذکور در که رسول اکرم صلی الله علیه وسلم افندمنک یانندن سفر و حضرده بش شی اکسک اولمازدی: آینه، سرمدان، طراق، مسواک، مدرآه، میمک کسریله ندراة: تیموردن ویا خشیدن سیرک دیشلی بر نوع طراقدیرکه انکله صاچ آچیلور. صاحب رسالت افندمن بونلری بعضاً مقص و جنبہ کبی دیگر ادوات علاوه سیلہ بر محافظه قویوب یوله چیقہ قلری زمان بو محافظه نزد سعادت لرنده بوانور ایدی و ذات نبوت پناہیلری تطییدن [کوزل قوقولی شیلر سورنکدن] و کوزل رایجہ دن پک خوشالانور ایدی. مسکی رأس مبارکنه تقاطر ایدر درجه سوردیکی اولور ایدی.

دین مبین اسلام انسانہ عقائد حقہ بی، طہارت کاملہ اوزره عبادتی،

ایستاده یورلر . خالبو که حریت ایله حریت مشروعه مراددر که انسان سایه عدالتده حقوق مشروعه سنه مالک اولمق دیمکدر . بوده من القدیم بزم مسلکمزدر . شمدی بزیک برمسکه یکی برعالمه داخل اولمق ، یکریمی اوتوز سنه دنبری غضب اولنان حقوقی استرداد ایلدک ، فراموش اولنان فضائل ملیه منی احیا ایتدک . دنیانک هیچ برجهنده حریت مطلقه یوقدر ، واوله ماز ، زیر حریت مطلقه رخست ویرلسه نه رابطه اجتماعی ، نه اخلاق ، نه آداب قالدور . سیئات فضیله غلبه ایتدک چالیشور ، انهایه معاشرت وحشته منقلب اولوب بادی اضحلال اولور . هراقلمده ، هر دیارده ، هر قومده اخلاق واداب مرعی و معتبردر . پائمال حقارت ایدیله من . بو حدودی تجاوز ایدنلر هر برده و دأما مدخولدرلر . ایشته بورالری ده ایضاح ایله هم ده برتفصیل ایضاح ایله طاشقین آدماری حد معروفه ارجاع ایتدک ، صراط مستقیم رهبر اولمق علمانک ، مشایخک ، وعظاک اجل وظائفی در .

برکت زاده اسماعیل صفی

مجلس مبعوثان

۱- اوت ، خاک سپهرنک بولوطارله مساویدر ،
معلا سک اوت ، اجازک اجار سماویدر .
یوزک پر نوردر ، آمال ملتدن ده علویدر ،
ایچک ظلمتیدر : ادوار استقبالی حاویدر .

۲- بتون مدفنلر آچشدن سنی سدایین برأل !
اوطغرای معظم بر کتبه کدر ، قیام ایت ، کل !
اولن احزاره قارشى سنک مقبر شکلی آل یوکسل !
سیه پوش عدم بر زائر کدر لیل مستقبل .

۳- بوبانک سور وشادیلر ، تهیجر ، خطابتلر
سکوت مقبر احزاره محسوبامی ؟ حیرتله ! ..
قیوکه پاسبانکدر کفن برسر خیالتلر ،
محاطکدر ، محیطکدر بتون مظلوم تربتلر !

۴- طورور روزنلر کده ملعت آلوده بر دیجور ،
اولیل وحشتک ظلمتی اعماقده هپ منظور
داغیلش بر جسد .. هر قطره خونی خنده زن بر نور !
عجب کیمدر بونمش سر جدا ، رأس جسد مهجور ؟

۵- سمانز برکونشدن کوردیکم قحف بدن مهجور ..
صانیرسک حاکمیت دولتندنر وطن مهجور !
بومهر سرمدی اولمش فروغندن نه دن مهجور ؟
بونمشی سرنوشتندن نه در ، کیمدر ایدن مهجور ؟

۶- بوبرنمش معظم که باشی برنمش دیکردر .
زوالی دهری طوتمشدر ، مناری ایشته یریردر .
ظلال ماعیله نور استقبال مقبردر !
بوکونکی خنده ملت بیله باق کریه آورددر .

۷- بتون بر ملت اولمشدق ظلام ولوئه مستغرق ،
کفنلر پاکدامندر ، جسدلر محترم ، آق پاق .
بوتربتلر معظمدر ، بومقبرلر دکل الحق .
بوکون معصوم اولان بزده شهادت خونیدر انجق !

۸- سریرک سنک مقبرلردی منبای پریشانی ،
سرای شوکتک زندان نکبتلر نگهبانی ،
دوشون ، بر دولتک جلادلر ارکان ذیشانی !
فلاکتدی کیمک موجود ایسه بر پارچه وجدانی !

۹- بور جانلی جنازه هرذکا : درمانده قدرتسز .
تعالی ایلزدی روجز اولسه کده حتی بز .
نه ذلتدر ، دوشون ، یوکسله دن فریادمن عاجز !
سن ای نادى ملت ، آسمانی قدرت معجز .

۱۰- بوقوم سینه چاکی ایله یین تخلص سنک سن .
شقی بر دولتک ازاده سرشمشیر ظلمدن ،
صاحبوب بارولرکدن رعد وبرق ای قلعه آهن
پلنک ظلمی یاقدک درکین ظلمت اولمشکن .

۱۱- معلا سک سمالردن ، معظمسک عوالمدن ،
بزی آزاد ایدن ای دست قدرت تیغ ظالمدن ،
لواء الحمدی تطهیر ایلین خون مظالمدن ،
سمای شرقی لیلایل اولان بر دور مظلمدن .

۱۲- سن اولمازسهک وطن یوقدر ، بوملت لفظ مبهمدر .
سن اولمازسهک عوالم بنجه بر لیل مجسمدر .
نه در فسمحتسرای دوانک بیلسهک نه عالمدر !
ردای نور پوش کعبه سنسز لوح ماتمدر .

۱۳- سن اولمازسهک طولار افاق استقباله ظلمت ، قان .
سن اولمازسهک بو زندانلر اولور معمور و آبادان .
قالیر لکن مشاعل سرنکون ، محرابلر ویران !
سن اولمازسهک دوشر بنیاد منبر ، یرتیلیر قرآن !

مرمت جمال